

Il bun exempel da geniturs po salvar ils giuvenns da daivets

Nov studi davart la prevenziun da daivets per glied giuvna

■ (sda/anr) Per che giuvenils e glied giuvna na crodia betg en ils daivets è il bun exempel dals geniturs ordvart impurtant. A chasa ston ins era discurre da daners, resorta d'in nov studi davart prevenziun cunter daivets ch'ins ha preschentà ier a Turitg. Gia da pitschen ensi duain ils giuvenns emprendre da duvra daners a moda raschunaivla. Els basegnan ina lingia ch'els geniturs inditgeschan cun valurs e normas. Impurtant è ch'els geniturs discurren explicitamain da daners e ch'els demonstreschian als uffants co ch'ins va enturn cun daners, hai num en la communicaziun davart il studi.

L'exempel e l'entruidament dals geniturs èn anc pli impurtants ch'ina furmaziun generala davart il diever da daners. En Svizra n'han ins dentant anc betg perscrutà sistematicamain quant lunsch che la savida davart daners e daivets tanscha tar ils giuvenils e la glied giuvna.

Credits e chartas da credits èn tgunsch disponibels. Quai promova ina cultura da «pudair avoir tut immediat» ed augmenta il ristg da vegnir en daivets. I na saja dentant tutttavia betg uschia che giuvenns creschids vegnian en daivets en emprima lingia pervi da credits da consum: Sin plaz in dals quints nunpajads figureschian il pli savens ils quints da taglia, scrivon ils auturs dal studi.

Blers facturs da ristg

Betg tuts giuvenils e giuvenns creschids èn sutta-post. In grond ristg han giuvenns creschids – umens sco dunnas – cun in pitschen satgados da furmaziun, senza emprendissadi u cun entrada bassa. Er ina pitschna stima da sasez ed ina rela-



Consum vegn glori-fitgà en films e reclamas. Ozendi va la shopping sco passatemp – che maina tschertins directamain en ils daivets. KEYSTONE

ziun stretga cun auters giuvenils materialistics augmentan il ristg da far daivets.

Sch'il giuvenil crescha si en ina famiglia cun in bass status social ed economic u sch'el è dischoccupà, s'augmenta il ristg. E sch'els geniturs avevan gia daivets, èsi cartaiulamain uschia che l'indebitament cuntinua tar il giuven.

Ils perscrutaders constateschan ch'els giuvenils sut 18 onns n'han betg uschè savens daivets sco ils giuvenns creschids. In'exceptziun sajan ils giuvenils che bandunian baud lur famiglia.

La fidanza en sasez guida

In effect preventiv hajan cunzunt suan-

dantas qualitads: la fidanza en sasez, savair spetgar sin ina remuneraziun e la controlla da sasez. Tgi che considerescha il daner betg sco sulet remedi per fortuna e success, saja damain periclità da vegnir en daivets.

Mesiras preventivas duessan tractar las normas che valan en gruppas da giuvenils da la medema vegliadetgna. Ellas duessan vegnir discutadas ensemen cun ils giuvenils. Impurtant saja er ina meglra infurmaziun dals geniturs. En general stoppia la lavur da prevenziun pledentar «multiplicatpurs» – pia geniturs, assistents da giuvenils, scolas professionalas etc.

La raschun per concepir il studi è il fatg ch'i vegn avert u bajegià si en differents chantuns posts da prevenziun cunter daivets.

Il studi ha il titel: «Tge effect fa prevenziun cunter daivets? Ina lavur empirica per la pratica cun giuvenils e giuvenns creschids.»

L'incumbensa per quest studi han dà la cussegliaziun da daivets dal chantun Argovia e Soloturn, la cussegliaziun da daivets e budget Plusminus a Basilea, la cumissiun federala per dumondas d'uffants e giuvenils sco era la fundaziun Müller-Möhl. La Scol'auta Lucerna ha realisà il studi.